



Sri Paus Fransiskus mengatakan bahawa misi orang Kristian ialah untuk mewartakan Injil pada bila-bila masa dan di mana sahaja. Gambar menunjukkan Bapa Suci meluangkan masa dengan para pesakit kanser kanak-kanak. (Media Vatikan).

Injil tidak pernah mengecewakan!

TAKHTA SUCI: “Injil adalah kata-kata sukacita, memanggil kita untuk saling menerima dan bersatu dalam perjalanan ziarah kita menuju ke Kerajaan Tuhan,” kata Sri Paus Fransiskus semasa merayakan Misa Kudus sempena Hari Minggu Sabda Tuhan di Basilika Sto Petrus pada Januari 26, ketika Vatikan menganjurkan Jubli untuk Komunikasi Sedunia.

Tema untuk Hari Minggu Sabda Tuhan tahun ini ialah “Aku Berharap dalam Firman-Mu.”

Dalam Misa itu juga, Bapa Suci mengutus 40 orang Lektor awam.

Semasa menyampaikan homilinya, Sri Paus mengambil petikan Injil daripada Lukas, di mana Yesus membaca Kitab Suci di sinagoga di Nazaret.

Bapa Suci mengatakan bahawa Hari Minggu Sabda Tuhan bertepatan dengan Jubli untuk Komunikasi yang merupakan program pertama Tahun Jubli Harapan 2025. “Yesus adalah Firman yang hidup di mana

semua Kitab Suci digenapi. Pada hari ini liturgi suci sempena Hari Minggu Sabda Tuhan, dipenuhi dengan kekaguman, membuka hati dan fikiran kita untuk mendengar suara-Nya.”

Sri Paus berkata dengar mendengar dan memahami Kitab Suci sahaja tidak mencukupi. Sebaliknya, Firman Tuhan mesti membawa kita untuk mengalami “kehairanan” atau kekaguman supaya ia boleh memasuki hati kita dan memperbaharui kita.

Injil kata-kata belas kasihan

Bapa Suci Fransiskus seterusnya merenungkan lima tindakan yang mencirikan misi Kristus, yang katanya unik dan universal.

Yesus, katanya, diurapi untuk “membawa berita baik kepada orang miskin,” iaitu berita bahawa Kerajaan Tuhan sudah dekat.

Tuhan melawat umat-Nya, tambah Paus, dan membawa “perkataan belas kasihan” Injil yang menggesa kita untuk mengamalkan amal dan mengampuni hutang orang lain.

Kedua, Yesus datang untuk “mengisytiharkan pembebasan kepada tawanan,” yang dibebaskan oleh kuasa penebusan keselamatan Kristus.

Sri Paus memanggil elemen Injil ini sebagai “kata-kata belas kasihan,” yang

memanggil kita untuk menjadi “saksi keamanan, perpaduan, dan perdamaian yang bersemangat.

Ketiga, Yesus membawa “pemulihan penglihatan kepada orang buta,” membuka hati kita yang sering dibutakan oleh daya tarikan kuasa dan kesombongan.

“Injil adalah firman cahaya, yang memberi isyarat kepada kebenaran dan memanggil kita untuk memberi kesaksian kepada iman kita dan konsisten dalam amalannya,” katanya.

Keempat, misi Yesus akan “membebaskan orang yang tertindas,” kerana Mesias menjadikan kita semua saudara dan saudari dan memecahkan semua bentuk perhambaan.

Injil, kata Sri Paus, adalah “perkataan kebebasan,” yang menjemput setiap daripada kita kepada penukaran, integriti, dan ketabahan.

Kelima, Yesus datang untuk “mengisytiharkan tahun rahmat Tuhan,” yang sepadan dengan Jubli dan tawaran Tuhan untuk menjana semula hidup kita dalam harapan.

Misi orang Kristian ialah untuk menginjil pada setiap masa

Sri Paus Fransiskus berkata lima tindakan Kristus ini menggenapi nubuat Yesaya, yang

dibaca Yesus di rumah ibadat di Nazaret.

Walau bagaimanapun, keselamatan Kristus masih belum direalisasikan sepenuhnya, seperti yang kita lihat dalam banyak peperangan dan penderitaan yang ada di dunia kita.

“Namun,” kata Sri Paus, “peperangan, ketidakadilan, kesakitan dan kematian tidak akan mempunyai kata muktamad ke atas orang-orang di bumi dan sejarah kita: kerana Injil adalah perkataan yang hidup dan pasti yang tidak pernah mengecewakan.”

Pada akhir homilinya, Sri Paus menjemput orang Kristian untuk berterima kasih kepada Tuhan kerana menghantar Firman-Nya, yang menjadi daging demi keselamatan dunia.

“Tuhan tidak bercakap kepada kita sebagai pendengar senyap, tetapi sebagai saksi-saksi-Nya. Kita dipanggil untuk menginjil pada setiap masa dan di setiap tempat,” katanya.

“Marilah kita komited untuk membawa berita baik kepada orang miskin, mengisytiharkan pembebasan kepada tawanan dan pemulihan penglihatan kepada orang buta, membiarkan orang yang tertindas bebas dan mengumumkan tahun rahmat Tuhan,” kata Sri Paus Fransiskus. **Media Vatikan**

Ketawa memang ubat yang berkesan. Dalam Injil, Yesus tidak kurang selera humor-Nya. Bahkan, Dia menggunakannya untuk menyembuhkan kebobrohan para pengikut-Nya.

Misalnya ketika Dia berbicara tentang ragi orang Farisi. Dalam Injil, kita dapat melihat Dia berbahagi kegembiraan manusiawi: mengambil bahagian dalam perkahwinan di Kana; memberkati kanak-kanak comel yang cuba diusir oleh para Rasul yang terlalu tegas; memecah-mecahkan roti dengan teman-teman, terutama dengan orang-orang berdosa.

Rasanya mudah untuk membayangkan bahawa pada waktu-waktu itu, ada banyak tawa dan senyuman yang hadir dari wajah Yesus.

Yesus juga mengkagumi ladang bunga lily. Dia bercerita tentang matahari terbenam atau benih kecil yang tumbuh menjadi pokok.

Dia juga merasakan kegembiraan yang mendalam ketika mengajar umat di rumah ibadat dan berziarah ke Bait Tuhan.

Semasa berkhotbah, Dia bersukacita dalam Roh Kudus dan memuji Bapa, serta memperkenalkan diri-Nya kepada anak-anak-Nya iaitu umat yang mendergar-Nya di Bait Tuhan.

Sukacita yang paling mendalam daripada Bapa dan Putera terletak pada kasih mereka yang mutlak satu sama lain: "Aku berkenan kepada-Nya."

Yesus dalam kemanusiaan ilahi-Nya mengalami dan memancarkan sukacita syurgawi ini yang juga dapat kita bahagikan: "Aku datang kepadamu sekarang, tetapi Aku mengatakan hal-hal ini sementara Aku masih di dunia, supaya mereka memperoleh sukacita-Ku sepenuhnya di dalam mereka" (Yoh. 17:13).

Ketawa — menyelamatkan kita dari



Selera humor Yesus

pada sikap keras kepala, ketakutan dan godaan untuk menganggap diri kita terlalu serius.

Hidup memang sukar, tetapi ketawa dapat menambah rasa manis dan memberi kita ketahanan.

Hidup Yesus juga penuh dengan tawa. Meskipun tidak ada candaan-candaan Yesus yang tercatat dalam Kitab Suci namun kita dapat percaya, bahawa Yesus bukan peribadi yang bukan sepanjang masa berwajah serius, tentu ada banyak tawa, keramahan ketika seseorang dekat dengan-Nya.

Namun, tawa juga perlu kewaspadaan. Ada tawa difahami dengan penilaian

negatif: sarkasme, ejekan, lelucon kasar.

Paulus mengingatkan, "*Dia yang ingin tertawa bersama iblis tidak dapat bersukacita bersama Kristus!*" (Efesus 5:4). Paulus memperingatkan jemaatnya terhadap jenis tawa negatif ini dalam Surat kepada jemaat di Efesus.

Ungkapan "tertawa terbahak-bahak" menunjukkan bahawa tertawa dapat menyebabkan seseorang kehilangan kendali, atau menjadi tidak manusiawi.

Dalam Injil Lukas, dicatatkan empat berkat diikuti oleh empat celaka, di antaranya "Celakalah kamu yang sekarang tertawa, kerana kamu akan berduka dan menangis."

Tetapi ada juga jenis tawa yang baik: tawa yang menyegarkan, ramah dan berbudi luhur. Yesus Sang Penghibur dan Maha Pengasih, mencipta tawa berdasarkan rasa cintanya.

Tawa mereka membuat semua orang merasa senang. Selera humor dan kerendahan hati mereka berjalan beriringan dan berasal daripada sumber yang sama.

Mungkin seperti inilah dapat dibayangkan "selera humor" yang hadir dalam kebersamaan dengan Yesus. Sukacita yang dibawa-Nya, tawa yang tercipta dalam kebersamaan dengan-Nya, berasal daripada kasih-Nya yang mendalam terhadap para sahabat-Nya. **Aleteia**

"Ditangkap" untuk diselamatkan

Bagi orang "moden" atau "maju", istilah "nelayan/penangkap manusia" atau "gembala biri-biri" yang digunakan oleh Yesus bagi memberi gambaran atau petunjuk, kedengaran tidak menyenangkan, kerana pekerjaan itu dianggap kurang bermartabat.

Zaman sekarang orang tidak suka "ditangkap", "dijaring" oleh orang lain, apatah lagi menjadi sebahagian daripada penggembala biri-biri!

Sebenarnya, kita perlu memahami lebih lanjut beberapa penjelasan tentang istilah-istilah tersebut.

Secara duniawi, seorang nelayan dan gembala, memikirkan terlebih dahulu keperluan mereka sendiri, bukan keperluan ikan atau biri-biri. Gembala memelihara kambing biri-biri demi domba demi kehidupan: untuk mendapatkan susu, bulu dan makanan.

Tetapi, maksud nelayan/penggembala

dalam Kitab Suci sebenarnya adalah sebaliknya. Nelayan dalam Kitab Suci bertujuan untuk melayani ikannya dan gembala pula berkorban untuk dombanya, bahkan mengorbankan nyawanya. Manusia "terperangkap", "ditangkap" atau "dijala" bukan kerana kesilapan atau jenayah mereka, tetapi untuk diselamatkan!

Contohnya, kita di atas kapal, dan kapal itu berada di tengah-tengah laut yang dilanda ombak kuat. Kapal itu musnah dan kita terapung-apung di tengah-tengah ombak, kemudian apabila ada penyelamat, mereka menyelamatkan kita dengan tali atau papan.

Jadi penyelamat itu "menangkap" kita bukan untuk merendahkan martabat kita, sebaliknya menawarkan kita harapan untuk hidup. Itulah maksud istilah penangkap atau nelayan manusia dalam Kitab Suci.

Mereka membantu menyelamatkan orang di tengah-tengah gelombang kehidupan dan membantu sesiapa sahaja yang mengalami

bahaya maut.

Muncul pula salah faham apabila ada beberapa pihak yang mempersoalkan mengapa sesetengah orang bertindak sebagai nelayan, tetapi yang lain sebagai ikan? Atau adakah golongan yang kelihatan seperti gembala dan ada golongan yang berhak menjadi domba?

Latar belakang masalah ini disebabkan oleh perbezaan pemahaman tentang hubungan dan perasaan antara nelayan dan ikan, antara penggembala dan biri-biri. Seolah-olah antara mereka ada golongan minoriti dan tidak istimewa.

Dalam Gereja, iaitu murid-murid Yesus, tidak ada seorang pun yang sekadar penangkap iman atau gembala. Kita sebenarnya, dalam semua bentuk dan jenis, mempunyai peranan yang sama berat.

Seseorang itu bukan sahaja seorang doktor, dia juga seorang bapa dalam sebuah keluarga, dan ahli sesebuah organisasi! Malah Kristus sendiri, bukan sahaja seorang nelayan malah seorang gembala.

Petrus sendiri, sebelum menjadi penangkap manusia, harus "ditangkap" oleh Yesus terlebih dahulu dan ini berlaku berkali-kali.

Sebagai contoh, dia mesti "ditangkap" apabila dia hampir lemas, apabila dia berjalan di atas air dan berasa takut.

Petrus juga "ditangkap" apabila dia enggan mengakui Yesus sebagai Gurunya. Petrus harus mengalami sendiri apa yang dimaksudkan untuk merasa sendiri sebagai "domba yang hilang."

Oleh sebab itu dia belajar apa artinya menjadi seorang gembala yang baik. Petrus terpaksa "ditangkap", diselamatkan daripada

**MINGGU BIASA
KELIMA
(TAHUN C)**

**YESAYA 6:1-2A.3-8
1 KORINTUS 15:1-11
INJIL LUKAS 5:1-11**

da kekecewaan yang mendalam atas kegagalan usahanya sepanjang malam di laut.

Yesus "menangkap" Petrus, menyelamatkannya dari kegagalannya dengan mengatakan, "Bertolaklah ke tempat yang dalam dan tebarkan jalamu untuk menangkap ikan."

Petrus belajar daripada pengalamannya sendiri untuk menjadi "penangkap orang" yang baik.

Semua orang Kristian yang dibaptis adalah seperti Petrus, yang tertangkap dalam jala seperti ikan, tetapi pada masa yang sama mereka juga adalah nelayan, masing-masing mengikut keadaannya sendiri.

Paderi adalah nelayan melalui pengisytiharan firman Tuhan dan pentadbiran sakramen. Orang awam juga adalah nelayan untuk orang lain melalui kehidupan mereka dan bekerja/bekerja untuk "menangkap", untuk menyelamatkan orang lain dalam bahaya nyawa mereka.

Dalam Injil ada tertulis bahawa Petrus dan kawan-kawannya meminta orang lain untuk membantu mereka, kerana tangkapan ikan mereka sangat banyak!

Gereja menjemput orang awam untuk membantu para paderi menjalankan kerja "memancing" dan "menggembala" bagi mendapat hasil "tangkapan" yang besar!
Msgr F.X. Hadisumarta O.Carm.





CLP memperkuat kehidupan keluarga Kristian

KENINGAU: Program Kehidupan Kristian Siri Tiga (*Christian Life/CLP*) peringkat Zon Minawo telah berlangsung pada Januari 10-12 lalu di Gereja St Joseph Minawo.

Merupakan anjuran *Couples for Christ* (CFC) Sabah — *Interior KSFx*, program yang diperkenalkan pada tahun 2022 ini kini telah memasuki siri ketiga.

Seramai 14 pasangan *Couples for Christ* (CFC), 19 peserta *Handmaids of The Lord* (HOLD), lima peserta *Servant of The Lord* (SOLD), 12 peserta *Singles for Christ* (SFC), dan sembilan peserta *Youth of Christ* (YFC), serta seorang peserta *Kids for Christ* (KFC) — telah menghadiri CLP yang dimulakan dengan perayaan Ekaristi.

Msgr Gilbert Lasius dalam homilinya semasa Misa Kudus pem-

bukaan menekankan keluarga sebagai asas dan misi dalam Gereja Katolik. Merujuk dokumen *Amoris Laetitia*, Msgr Gilbert mengakui banyak keluarga yang menghadapi cabaran dunia moden masa kini seraya menegaskan bahawa Gereja sangat komited untuk membantu, membimbing dan menyokong keluarga agar terus berakar pada Kristus.

“Yesus hidup melalui keluarga dan memulakan misi-Nya dalam Keluarga Kudus Nazaret,” jelasnya lalu menyeru para peserta untuk meneladani Kristus dan memainkan peranan mereka dalam hidup keluarga Kristian.

Program tiga hari itu diisi dengan lapan sesi ceramah dan setiap sesi diikuti dengan perkongsian kumpulan, berkongsi pengalaman peribadi dan saling memberikan sokongan

antara sesama.

Program ini diakhiri dengan sambutan perayaan *Lord's Day* yang meriah dan merupakan satu tradisi dalam program CLP sebagai tanda kesyukuran dan kesatuan.

Dalam perayaan ini, peserta telah melafazkan ikrar dan menerima kit dedikasi sebagai lambang komitmen dan janji mereka terhadap pelayanan dalam kehidupan Kristian.

Upacara ini juga merupakan peringatan dan misi mereka untuk membangun iman Kristus melalui keluarga dan komuniti mereka.

Semoga melalui kejayaan program CLP3 ini, ia dapat menginspirasi lagi harapan untuk pertumbuhan iman yang berterusan dan transformasi rohani peserta dalam keluarga, komuniti dan masyarakat.

Melty Paulus

Misa Roh Kudus untuk para peguam di KL



KUALA LUMPUR: Persatuan Peguam Katolik (CLS) Kuala Lumpur meraihan Misa Votif Roh Kudus mereka yang ke-31. Misa Votif ini juga dikenali sebagai Misa Merah, dirayakan pada Januari 11, di Katedral *St John the Evangelist* (CSJE).

Perayaan Ekaristi ini, yang diadakan setiap tahun, dihadiri oleh ahli-ahli CLS dan semua pengamal profesion undang-undang, pelajar yang menjalani *chambering*, keluarga, rakan-rakan dan umat Katolik dari jauh dan dekat. Dianggarkan 102 ahli profesion undang-undang hadir.

Pemimpin utama Misa Kudus ialah Uskup Agung Julian Leow, bersama Nunsio Apostolik ke Malaysia, Uskup Agung Wojciech Zaluski, Pembantu Eklesiastikal CLS, Fr Gregory Chan, Fr William Michael, paderi paroki Katedral Fr Gerard Theraviam dan seorang paderi pelawat.

Dalam homilinya, Uskup Agung

Julian mengingatkan para peguam tentang tiga perkara penting. Pertama, mengenai pembacaan Injil Misa (Yohanes 3:22-30), prelatus itu menyeru para peguam untuk merendahkan hati dan lebih memperdalamkan amal serta menekankan bahawa pekerjaan mereka harus mencerminkan prinsip ini.

Kedua, Uskup Agung mengingatkan para peguam tentang tanggungjawab mereka sebagai penziarah di dunia ini, bahawa dalam perjalanan hidup ini, mereka masih ‘berhutang’ kepada Tuhan untuk memenuhi pekerjaan-Nya.

Ketiga, Uskup Agung Julian mengajukan soalan mencabar kepada para peguam sama ada mereka lebih mendahulukan identiti mereka sebagai Katolik atau peguam, atau sama ada mereka Katolik yang kebetulan menjadi peguam atau peguam yang kebetulan beragama Katolik, dan adakah mereka melayani Tuhan melalui profesion mereka sebagai peguam?

Beliau mengingatkan semua orang tentang keperluan untuk mempunyai Kristus dalam hati semasa menjalankan pekerjaan, sama ada dalam profesion undang-undang, di rumah atau dalam masyarakat.

Prelatus itu menekankan keperluan untuk menjaga iman di samping melaksanakan misi megakkan keadilan dalam kehidupan seharian kita.

Uskup Julian juga menekankan konsep demokrasi dalam masyarakat dan memperjuangkan keamanan dunia.

Misa Votif tahunan ini diselenggarakan dan dianimasi oleh ahli CLS. CLS berharap semua ahlinya akan terus menyokong persatuan ini dalam semua tujuan, program dan inisiatif pentingnya.

Selepas Misa, presiden Persatuan, Stanislaus Cross, mengucapkan terima kasih kepada para perayaan dan paderi serta semua yang menghadiri acara itu.

Sr Rose Wong, kekal Pemimpin Umum untuk Sister Sarawak



Dari kiri ke kanan: Sr Natasia Tay (Ahli Majlis Kedua), Sr Irmina Peter (Penolong Pemimpin Umum), Sr Rose Wong (Pemimpin Umum), Sr Agatha Ling (Ahli Majlis Pertama) dan Sr Catherine Uming (Ahli Majlis Ketiga). (*Today's Catholic*)

KUCHING: 25 perwakilan religius wanita, *Sister of St Francis Sarawak* (SSFS) telah menyertai Perhimpunan Umum Ke-13 baru-baru ini di Konven *Immaculate Conception*, Padungan, Kuching.

Perhimpunan Umum itu mengangkat tema, “Memajukan Kesatuan Kita dengan Kristus Menuju Seratus Tahun dan Seterusnya” sekali gus merayakan ulang tahun ke-800 stigmata Sto Fransiskus dari Assisi.

Perhimpunan Agung itu teruja untuk menyambut ulang tahun ke-100 SSFS pada tahun 2028 dengan pembentangan ringkas tentang sejarah kongregasi SSFS dan sebagai panduan bagi para religius itu untuk melakar perjalanan hidup bakti mereka pada masa hadapan.

Sebelum perhimpunan, para perwakilan terlebih dahulu mengikuti retret selama tiga hari pada akhir November tahun lalu.

Laporan daripada pelbagai komisi kongregasi itu memberikan gambaran keseluruhan yang baik

tentang kekuatan dan kelemahan SSFS.

Melalui pembentangan, ia menunjukkan cabaran, peningkatan bilangan religius, pengaruh sekularisme dan apa yang berlaku di dunia pada masa kini.

Kisah Yesus Yohanes 21, mengajak para Sister untuk memulihkan kemuridan mereka serta menyeru para SSFS meneruskan misi dan pelayanan mereka sebagai *Sisters of St Francis of Sarawak*.

Semangat para religius ini disegarkan untuk mengikuti jejak Santo Pelindung mereka, Sto Fransiskus dari Assisi.

Pada akhir perhimpunan, SSFS telah memilih semula Sr Rose Wong sebagai Pemimpin Umum untuk penggal enam tahun, Sr Irmina Peter sebagai Penolong Pemimpin Umum, Sr Agatha Ling sebagai Ahli Majlis Pertama, Sr Natasia Tay sebagai Ahli Majlis Kedua dan Sr Catherine Uming sebagai Ahli Majlis Ketiga. **Today's Catholic**

Rekoleksi dan pengutusan para Katekis Pembimbing Tawau



TAWAU: Tim pelayanan Katekatikal, Gereja *Holy Trinity* Tawau telah mengadakan Rekoleksi dan Pengutusan untuk para Katekis Pembimbing paroki dan stasi luar pada Januari 11, lalu.

Seramai 130 Katekis Pembimbing telah menghadiri rekoleksi tersebut.

Rekoleksi ini disertai oleh Katekis Pembimbing dari kelas tiga kumpulan bahasa Pertemuan Minggu Gembira dan Katekis Pembimbing dari kelas Inisiasi Kristian Dewasa (IKD) serta program KASIH.

Penceramah utama, Fr David


Garaman mengingatkan para peserta mengenai peranan dan tanggungjawab mereka sebagai Katekis Pembimbing serta kepentingan untuk setia kepada tujuh Sakramen Gereja Katolik.

Dalam sesi kedua iaitu sesi Soal Jawab, kebanyakan soalan yang diajukan oleh Katekis Pembimbing stasi luar adalah mengenai kekurangan buku teks pembelajaran serta dokumen-dokumen yang diperlukan oleh Gereja untuk perayaan-perayaan Sakramen.

Selepas sesi Soal Jawab, para Katekis Pembimbing diutus semasa Misa Kudus.

Sahabat kecil Yesus

Gunting kepingan-kepingan gambar di bawah. Adik-adik boleh bermain 'cantum gambar' dengan rakan adik-adik.



Penjala ikan menjadi penjala manusia (lukas 5:1-11)



Mari
Mewarna

Apakah nasihat Yesus kepada Simon?



Apakah terjadi setelah Simon mendengar nasihat Yesus?

ke tempat
yang dan
jalamu
untuk ikan.



(Lukas 5:4)

Dan setelah mereka melakukannya, mereka

sejumlah besar ikan, sehingga
mereka mulai . (Lukas 5:6)

- = dalam
- = menangkap
- = Bertolaklah
- = tebarkanlah
- = jala
- = koyak

Hello adik-adik,

Pada suatu hari Yesus berdiri di tepi danau Genesaret, Yesus melihat beberapa nelayan berhampiran yang sedang membersihkan dan membaiki jala mereka, lalu Dia menaiki salah satu perahu mereka.

Yesus meminta salah seorang daripada nelayan itu, Petrus, untuk meletakkan perahu itu jauh sedikit dari pantai. Yesus duduk di dalam perahu mengajar orang ramai.

Setelah selesai mengajar, Yesus berkata kepada Petrus, "Bertolaklah ke tempat yang dalam dan tebarkanlah jalamu."

Petrus, salah seorang nelayan pada hari itu, memberitahu Yesus bahawa mereka telah menangkap ikan sepanjang malam dan tidak menangkap apa-apa, namun begitu, Petrus mengikut nasihat Yesus.

Apabila Petrus mengikut kata Yesus, sesuatu yang ajaib berlaku! Mereka menangkap sejumlah besar ikan, sehingga jala mereka mulai koyak. Peristiwa ini menyebabkan nelayan itu



berasa takut. Mungkin juga tertanya-tanya siapakah Yesus yang menyebabkan mereka mendapat tangkapan yang luar biasa? Tetapi Yesus menenangkan mereka dan berkata, "jangan takut, mulai dari sekarang engkau akan menjadi penjala manusia."

Oleh sebab itulah, ketika mereka tiba di darat, para nelayan itu meninggalkan jala dan perahu mereka lalu mengikuti Yesus!

Adik-adik, Yesus juga mahu kita menjadi 'penjala manusia' iaitu menyebarkan Khabar Gembira kepada orang lain melalui kebaikan dan kata-kata kita.

Jangan takut kerana Yesus sentiasa menyertai kita sepanjang masa.

Salam Sayang
Antie Melly

BELIA

JAKARTA: Pada 2023, Yayasan Karsa Cipta Asa (YKCA) melancarkan program yang dinamakan "Pintu Depan" untuk membantu pelajar dari kawasan terpencil dapat meneruskan pendidikan ke peringkat tinggi.

Walau bagaimanapun, inisiatif itu menghadapi cabaran dalam mengenal pasti pelajar Katolik yang bermoral dan rajin serta yang layak mendapat bantuan kewangan. Lantaran itu, YKCA menilai pemohon melalui para uskup, paderi dan kongregasi religius.

Disebabkan cara pemilihan sedemikian, diadakan Program Fasa 1 iaitu perhimpunan dua hari yang direka untuk memupuk kesedaran diri dan ikatan komuniti sambil membolehkan YKCA memahami setiap pelajar dengan lebih baik.

Mathias Hariyadi, pengarah eksekutif YKCA menjelaskan perhimpunan itu bertujuan membina asas psikologi yang kukuh dan membangun kebolehan para pelajar.

Sesi itu juga memberi tumpuan kepada aktiviti berbentuk kerjasama yang bertujuan membangunkan pemikiran kritis dan kerja berpasukan.

Pada masa ini, YKCA membantu 27 pelajar universiti dari kawasan terpencil yang mengikuti pengajian di pelbagai tempat.

"Pintu Depan" bantu mahasiswa ubah kehidupan mahasiswa daif

Program ini dijalankan di Semarang, Jakarta, Surabaya, Yogyakarta, dan Purwokerto serta Kalimantan Barat. Majoriti pelajar yang menerima bantuan adalah umat Katolik awam dari

Kalimantan, Sulawesi, Riau, Mentawai, dan Nias, belajar farmasi, kejururawatan, sejarah, politik, IT, perakaunan, perniagaan, dan pengurusan. Program Peman pertama berlangsung pada

Disember lalu di Universiti Widya Dharma di Pontianak, menempatkan tujuh pelajar. Kedua diadakan pada Januari 3-4, di Dominican Praying House di Yogyakarta, dihadiri oleh 12 pelajar.

Juli Pramana, seorang guru vokasional dan katekis dari Paroki St Paul Kleco, yang telah membantu program fasa pertama itu, berdasarkan pengalamannya sebagai pendidik dan mentor biasiswa, menekankan kepentingan empat aspek iaitu otak yang baik, tingkah laku, kecantikan dan kecantikan dalaman.

Program ini diakhiri dengan tanda penghargaan yang tulus kepada para penderma, yang kebanyakannya adalah individu yang telah bersara tetapi tetap berdedikasi untuk tujuan kemanusiaan.

Menyedari impak program itu, Kardinal Ignatius Suharyo dari Jakarta memuji usaha YKCA yang membantu belia Katolik dari kawasan terpencil mencapai kecemerlangan intelektual dan menjadi ahli masyarakat yang berharga. **LiCAS News**



Para peserta program YKCA bergambar bersama pengarah eksekutif YKCA, Mathias Hariyadi (tengah) dan Royani Ping. Para peserta berasal dari pelbagai wilayah di Indonesia. (LiCAS News).

Choice Bahasa Malaysia pertama di KL

Augustus Antoine

KUALA LUMPUR: Program Hujung Minggu Choice Bahasa Malaysia kali ke lapan telah melabuhkan tirai penutupnya pada Januari 12, 2025 selepas sesi susulan yang diadakan di Gereja St Thomas More Subang Jaya.

Para peserta terdiri daripada mereka yang telah mengikuti program Hujung Minggu Choice di IJ Retreat Centre, Port Dickson pada Disember tahun lalu.

Sesi susulan ini adalah untuk meraikan graduan para peserta yang telah menyertai program hujung minggu tersebut dan untuk mendapatkan maklum balas program daripada mereka.

Program Hujung Minggu Choice Bahasa Malaysia Kuala Lumpur ini, membawa suasana baru dan respon yang positif kerana pertama kali dianjurkan di luar kawasan Kuala Lumpur.

19 orang peserta yang terdiri daripada 13 belia bujang yang bekerja dan enam orang seminarian dari College General, Pulau Pinang. Berusia 20-38 tahun dari Sabah dan Sarawak.

Program ini dibimbing sepenuhnya oleh Fr Michel Dass, Penasihat Rohani bagi Tim Choice Bahasa Malaysia Kuala Lumpur.

Teras utama program Hujung Minggu Choice ini, adalah untuk menekankan kepentingan hubungan dengan keluarga, rakan, Gereja, komuniti dan Tuhan, melalui cinta kasih agar dapat berjalan bersama



serta bertumbuh dalam iman sesuai dengan tema Choice, iaitu Mengenal, Mengasihi dan Melayani.

Para peserta juga dapat membuka diri mereka sepenuhnya untuk merenung, berkongsi dan membincangkan apa yang penting bagi diri mereka di sepanjang program ini.

Berikut merupakan beberapa perkongsian para peserta:

"Sebagai seorang seminarian yang bergelut dengan pelbagai cabaran kehidupan, saya mendapati bahawa program Hujung Minggu Choice sangat membantu saya untuk meny-

edari bahawa saya bukanlah satu-satunya yang menghadapi masalah.

Mendengar perkongsian para peserta lain, saya mendapati bahawa rata-rata kami mempunyai pergelutan yang serupa dan ramai lagi yang menghadapi situasi yang jauh lebih mencabar.

Ini memberikan kesedaran yang mendalam kepada saya bahawa saya tidak bersendirian. Program Choice ini benar-benar menguatkan semangat dan memberikan pandangan yang mendalam tentang kasih Tuhan dan kebersamaan dalam komuniti iman." — **Seminarian Charles Boromeo, (CBMKL8 – 2024).**

(CBMKL8 – 2024).

"Selama ini saya mencari apakah Tuhan Yesus itu ada? Bagaimanakah Dia berinteraksi dengan kita? Tuhan Yesus selalu ada tetapi kita yang lalai dengan menumpukan waktu yang banyak kepada persekitaran kita, media sosial, keinginan kita dan hidup kita yang sibuk.

Tuhan Yesus juga ingin waktu kita untuk bersama Dia dalam kedamaian dan ketenangan untuk Dia bercerita kepada kita. Dalam Program Hujung Minggu Choice inilah saya telah mendapat cinta kasih Tuhan Yesus dan kedamaian yang saya cari selama ini. — **Eldy-jane Cabale, (CBMKL8 – 2024)**

Media Katolik harus hindar bahasa agresif

ROMA: Sri Paus Fransiskus menggesa komunikator Katolik agar menggunakan platform mereka untuk membangkitkan harapan dengan mengelak bahasa agresif dan menolak retorik yang merendahkan orang lain.

“Saya mengimpikan komunikasi yang mampu menjadikan kita rakan pengembara, berjalan bersama dengan saudara dan saudari kita dan menggalakkan mereka untuk mempunyai harapan pada masa sukar ini,” tulis Sri Paus dalam pesannya sempena Hari Komunikasi Sedunia.

Perutusan Sri Paus telah dikeluarkan pada Januari 24, sempena perayaan Sto Fransiskus de Sales, santo penaung wartawan dan permulaan perayaan Jubli Komunikasi Dunia Vatikan.

Prelatus itu berharap terciptanya “komunikasi yang mampu bercakap dari hati, bukan membangkitkan reaksi defensif dan marah, tetapi keterbukaan dan persahabatan.”

Sempena Tahun Jubli Harapan, Bapa Suci berkata komunikasi mesti “mampu memberi tumpuan kepada keindahan persaudaraan



Bapa Suci Fransiskus berjabat tangan dengan seorang wartawan Filipina dan pemenang Nobel, Maria Ressa, pada Perayaan Jubli Komunikasi Sedunia. (Media Vatikan)

dan harapan walaupun di tengah-tengah situasi yang kelihatan menyedihkan dan menjana komitmen, empati serta keprihatinan terhadap orang lain.”

Tema perayaan Hari Komunikasi Sedunia ke-59 adalah “Berbahagialah dengan harapan yang ada di hatimu,” yang dipetik dari Surat Pertama Santo Petrus.

Sri Paus Fransiskus menulis bahawa beliau memilih tema tersebut kerana komunikasi moden semakin “berciri maklumat salah dan polarisasi serta menjadi pusat kuasa mengawal jumlah data dan

maklumat yang belum pernah terjadi sebelumnya.”

Sri Paus mendorong para komunikator Katolik agar menjadi saksi dan penyokong komunikasi yang tidak agresif; “Membantu menyebarkan budaya keprihatinan, membina jambatan dan memecahkan halangan yang boleh dilihat dan tidak kelihatan pada hari ini.”

“Semoga anda sentiasa menemui sinar kebaikan yang memberi inspirasi kepada umat untuk berharap,” kata Sri Paus Fransiskus kepada para komunikator Katolik. CNA

Yesus mengekalkan harapan dalam kesatuan



VATIKAN: Walaupun semua orang menghadapi saat-saat putus asa atau mengenali orang yang telah kehilangan harapan, “Injil memberitahu kita bahawa Yesus sentiasa memulihkan harapan,” kata Sri Paus Fransiskus petang Sabtu di Basilika St Paul di Luar Tembok.

“Dia terus menerus membangkitkan kita dari abu kematian dan memberi kita kekuatan untuk meneruskan, untuk memulakan yang baru.”

Dalam homilinya untuk perayaan Pertobatan Sto Paulus — yang juga meraikan berakhirnya Minggu Doa untuk Perpaduan Kristian — Sri Paus Fransiskus merenungkan kisah Injil tentang pertemuan Yesus dengan Marta selepas kematian abangnya, Lazarus.

“Sebagai tindak balas kepada pengakuan iman Marta dalam kebangkitan orang mati pada akhir

zaman, Yesus meyakinkannya bahawa Dia sendiri adalah kebangkitan dan kehidupan, dan bertanya kepadanya, “Percayakah kamu akan hal ini?”

Petikan Injil tersebut merupakan tema untuk Minggu Doa tahun ini, dan ia mengajar kita “bahawa dalam masa kehancuran yang mendalam, kita tidak bersendirian dan kita boleh terus berharap.”

Dan ini penting bukan sahaja dalam kehidupan kita sendiri, tetapi juga “untuk kehidupan masyarakat Kristian, Gereja kita, dan hubungan ekumenikal kita,” kata Sri Paus.

Sri Paus Fransiskus juga mengambil kesempatan itu untuk memperbaharui seruannya bahawa orang Kristian boleh bekerjasama lebih-lebih lagi, pada tahun ini, Paskah jatuh pada tarikh yang sama untuk kalendar Julian dan kalendar Gregorian. **Media Vatikan**

Uskup Katolik AS kecam perintah eksekutif Trump tentang migrasi, alam sekitar

WASHINGTON D.C.: Para Uskup Katolik Amerika Syarikat (AS) mengesahkan tindakan Presiden AS, Donald Trump yang menandatangani Perintah Eksekutif (*Executive Orders*) mengenai isu-isu termasuk migrasi, alam sekitar dan hukuman mati,” kata Uskup Agung Timothy P. Broglio, ketua Konferensi para uskup Katolik AS (USCCB), pada Januari 22.

Di antara langkah pertama Trump pada permulaan masa jabatannya yang dimulai pada Januari 20, Trump menandatangani serangkaian *Executive Orders*.

Antaranya ialah menerapkan perintah mengenai imigrasi, termasuk berupaya mengubah penafsiran hak kewarganegaraan berdasarkan Amandemen ke-14.

Uskup Agung Broglio, yang mengetuai Keuskupan Agung A.S. untuk Perkhidmatan Ketenteraan, berkata banyak topik yang dibimbangkan oleh kumpulan pertama perintah eksekutif merupakan perkara yang banyak ditawarkan oleh Gereja.

“Beberapa peruntukan yang terkandung dalam Perintah Eksekutif, seperti migrasi, hukuman mati dan alam sekitar, amat membimbangkan dan akan membawa akibat negatif, yang kebanyakannya akan memudaratkan yang paling teruk terhadap golongan miskin dan



lemah dalam kalangan kita,” kata prelatus itu.

“Peruntukan lain dalam Perintah Eksekutif boleh dilihat dari sudut yang lebih positif, seperti mengiktiraf kebenaran tentang setiap manusia sebagai lelaki atau perempuan.”

Uskup Agung Broglio menegaskan bahawa Gereja Katolik mahupun USCCB tidak “berpihak dengan mana-mana parti politik.”

“Tidak kira siapa yang menduduki Rumah Putih atau memegang majoriti di *Capitol Hill*, ajaran Gereja tetap tidak berubah,” katanya.

“Adalah menjadi harapan kami bahawa kepimpinan Negara kita akan mempertimbangkan semula tindakan yang mengabaikan bukan sahaja maruah manusia sege-lintir, tetapi kita semua.” CNA

Tuhan sentiasa dekat dengan orang-orang yang menderita

TAKHTA SUCI: Dalam pesannya untuk Hari Orang Sakit Sedunia ke-33, Sri Paus Fransiskus mengulas tentang pergelutan persoalan mendalam yang dihadapi oleh mereka yang menderita dan mereka yang menjaga mereka.

“Bagaimanakah kita boleh menjadi kuat apabila badan kita menjadi mangsa penyakit yang teruk dan melemahkan yang memerlukan rawatan mahal yang mungkin tidak mampu kita tanggung?”

Bagaimanakah kita dapat menunjukkan kekuatan apabila, sebagai tambahan kepada penderitaan kita sendiri, kita melihat orang yang kita sayangi yang menyokong kita tetapi berasa tidak berdaya untuk membantu kita?”

Walaupun harapan yang benar “tidak mengecewakan,” dan sebenarnya “menguatkan kita pada masa pencubaan,” keyakinan ini sering kali boleh membingungkan dalam situasi sebenar penderitaan.

“Dalam situasi ini, kita merasakan keperluan kita untuk kekuatan yang lebih besar daripada kekuatan kita sendiri. Kita sedar bahawa kita memerlukan bantuan Tuhan, rahmat-Nya, Pemberian-Nya, dan kekuatan yang merupakan anugerah Roh-Nya.”

Bapa Suci seterusnya menjemput umat beriman untuk merenungkan tiga cara tertentu Tuhan tetap dekat dengan mereka yang menderita: “pertemuan, pemberian, dan perkongsian.”

Bapa Suci mengingatkan bahawa apabila Yesus mengutus 72 murid melakukan misi, Dia memberitahu mereka untuk memberitahu orang sakit, “Kerajaan Tuhan telah dekat kepada kamu,” iaitu, “untuk membantu orang sakit melihat kelemahan mereka ... sebagai peluang untuk menghadapi Tuhan.”

Jelasnya, pertemuan ini, boleh mengubah, membantu kita menemui “batu yang kukuh yang boleh

kita berpaut di tengah-tengah badai kehidupan, pengalaman yang... menjadikan kita semua lebih kuat kerana ia mengajar kita bahawa kita tidak bersendirian.”

Sri Paus Fransiskus mengakhiri Perutusannya dengan kata-kata penghiburan untuk mereka yang sakit dan menderita, mengingatkan mereka bahawa mereka mempunyai bahagian yang “penting untuk dimainkan dalam Jubli.”

“Perjalanan anda bersama adalah tanda harapan untuk semua orang. Bapa Suci berterima kasih kepada mereka atas kesaksian mereka, dalam nama seluruh Gereja dan dalam nama-Nya sendiri, meyakinkan mereka bahawa mereka sentiasa dalam doa-doa-Nya, dan menghulurkan kepada mereka berkat-Nya.

Hari Orang Sakit Sedunia diperingati setiap tahun pada Februari 11.

Walaupun bagaimanapun, memandangkan Tahun Jubli, Bapa Suci telah memilih untuk menangguhkan perayaan ini selama setahun dan akan dirayakan di peringkat dunia pada tahun 2026, di Pusat Ziarah Maria Perawan Chapi Arequipa, Peru.

Keputusan Sri Paus ini telah diumumkan dalam siaran akhbar yang diterbitkan pada Januari 27, oleh Dikasteri untuk Mempromosi Pembangunan Manusia dan Penginjilan.

Kenyataan itu menyatakan bahawa untuk Tahun Jubli, Hari Orang Sakit Sedunia akan disambut secara biasa di peringkat keuskupan, seperti biasa pada Februari 11 dan mencatatkan bahawa Jubli Orang Sakit dan Pekerja Kakitangan Kesihatan ditetapkan pada April 5-6 dan Jubli Orang Kurang Upaya pada April 28-29. **Media Vatikan**



Hari Orang Sakit Sedunia yang biasanya dirayakan pada Feb 11, ditangguhkan selama setahun. Ia akan dirayakan di peringkat dunia pada tahun hadapan, di Peru. Pada tahun ini, ia dirayakan di peringkat keuskupan.

ANGELUS BERSAMA SRI PAUS FRANSISKUS

Jubli peluang baharui pertemuan dengan Kristus

VATIKAN: Semasa menyampaikan renungan sempena Angelus pada Januari 26, yang juga merupakan Hari Minggu Sabda Tuhan, Sri Paus Fransiskus merenungkan petikan Injil Lukas yang menceritakan lautan Yesus ke sinagoga di Nazaret.

Menurut Bapa Suci, Yesus menyatakan diri-Nya sebagai penggenapan nubuat Yesaya, pernyataan yang mengejutkan dan mencabar pendengar-Nya. Sri Paus menjelaskan bahawa detik ini memberikan soalan yang tegas kepada rakan-rakan penduduk kota Yesus: "Adakah Dia hanya anak tukang kayu yang angkuh dan bercakap besar akan peranan yang bukan milik-Nya" atau "adakah Dia benar-benar Mesias, yang diutus oleh Tuhan untuk menyelamatkan manusia daripada dosa dan segala kejahatan?"

Bayangkan terkejutnya dan kebingungan penduduk Nazaret. "Mereka menyangka mereka terlalu mengenali Dia dan sukar membuka minda serta hati mereka, menghalang mereka daripada berbuat demikian, seperti selubung yang menutupi cahaya."

Pada hari ini, Sri Paus berkata, petikan Injil ini menjemput orang percaya untuk menghadapi pemahaman mereka sendiri tentang Yesus.

"Peristiwa ini juga berlaku untuk kita hari ini," katanya, sambil menyatakan bahawa kita juga boleh jatuh ke dalam



Sri Paus Fransiskus membelai seorang kanak-kanak selepas audiensi umum.

perangkap pemikiran bahawa kita sudah mengenali Yesus.

Kita menyangka kita mengenali-Nya kerana "kami telah membesar dengan Dia, di sekolah, di paroki, belajar agama bersama-sama, membesar di negara dengan budaya Katolik... Bagi kita, Dia adalah Orang yang dekat — 'terlalu' rapat," katanya.

Lantaran itu, Bapa Suci menggalakkan orang Kristian untuk bertanya kepada diri sendiri sama ada mereka benar-benar mengiktiraf Yesus sebagai Anak Tuhan dan

Juruselamat.

"Adakah kita merasakan kuasa unik yang digunakan oleh Yesus dari Nazareth?" Adakah kita mengakui bahawa Dia adalah pembawa pewartaan keselamatan yang tidak dapat diberikan oleh orang lain kepada kita?"

Maka, Sri Paus Fransiskus menjemput hadirin untuk merenungkan keperluan kita untuk keselamatan dan menjelaskan bahawa hanya apabila kita mengakui ta-hun ini boleh menjadi Tahun Rahmat.

Media Vatikan

Filem seram selalunya memaparkan versi pertempuran rohani, syaitan dan peristiwa ghaib, yang boleh mengelirukan orang percaya tentang kebenaran rohani yang sebenar. Filem-filem ini cenderung untuk membesar-besarkan aktiviti syaitan, memberikan gambaran yang salah dan boleh membawa kepada ketakutan yang tidak perlu atau salah faham tentang perkara rohani.

Maka bagi umat Katolik yang gemar menonton filem seram, mungkin ada beberapa perkara ini yang tidak anda sedari:

- Filem seram selalunya memaparkan entiti jahat, kuasa syaitan dan amalan gelap dalam konteks yang menghiburkan, yang berpotensi menormalkan apa yang jahat.

Lama kelamaan, apa yang dahulunya kelihatan mengejutkan atau membimbangkan secara rohani mungkin diterima atau difahami sebagai hiburan, menjejaskan keupayaan umat untuk membenci apa yang jahat" seperti yang diperintahkan dalam Roma 12:9.

- Filem seram sering menggunakan kekerasan grafik dan gore untuk mengejutkan dan menakutkan penonton sedangkan kita sebagai orang Kristian, dipanggil untuk menunjukkan kedamaian dan kelembutan Kristus.

Lama kelamaan, ia boleh melemahkan tindak balas orang percaya terhadap kesakitan dunia sebenar, menjadikannya lebih sukar bagi mereka untuk menunjukkan empati seperti Kristus.

- Filem seram direka untuk mencetuskan adrenalin dan tindak balas emosi yang sengit, yang boleh membawa kepada corak tontonan yang tidak sihat dan pergantungan emosi. Aspek men-

Pertimbangkan ini sebelum menonton filem seram

cari keseronokan dalam penggunaan filem seram boleh menjadi ketagihan, menarik orang Kristian ke dalam kitaran mencari pengalaman yang semakin sengit.

Sifat ketagihan kandungan seram boleh bersaing dengan usaha rohani dan mengurangkan kepuasan orang percaya dalam aktiviti yang sihat dan pengalaman rohani yang tulen.

- Imej yang jelas dan bunyi menggerunkan yang biasa dalam filem seram boleh memberi kesan yang berkekalan pada corak tidur seorang Kristian dan rasa selamat secara keseluruhan.

Filem-filem ini mencipta kesan mental yang kuat yang sering muncul semula semasa momen paling lemah, membawa kepada mimpi ngeri, gangguan tidur dan peningkatan tahap kebimbangan.

- Filem seram selalunya menggabungkan unsur-unsur ghaib, ilmu sihir dan amalan kerohanian gelap sebagai alat plot, yang berpotensi menimbulkan rasa ingin tahu tentang amalan terlar-

ang ini.

Bagi orang Kristian, ini boleh membawa kepada minat yang tidak sihat dalam aspek-aspek ghaib yang bertentangan dengan ajaran agama Katolik kita.

Daripada hanya mengelak filem seram, mari fokus untuk mengisi hidup kita dengan kandungan yang mendekatkan kita kepada Tuhan dan mengukuhkan iman kita.

Pertimbangkan untuk meneroka filem, buku dan aktiviti yang memberi inspirasi, menaikkan semangat dan menguatkan perjalanan rohani kita lebih-lebih lagi pada Tahun Jubli ini.

Akhir sekali, saudara-saudaraku, apa sahaja yang benar, apa sahaja yang mulia, apa sahaja yang adil, apa sahaja yang suci, apa sahaja yang indah, apa sahaja yang dipandang tinggi — jika ada sesuatu yang baik dan jika ada sesuatu yang terpuji — tumpukan fikiran kepadanya (Filipi 4:8, AVB)

Aleteia

PENULIS JEMPUTAN BERKICAU

Keunikan selibat rohani

Ketika Gereja merayakan Hari Hidup Bakti pada Februari 2 lalu, masih terdapat banyak sudut pandangan yang menganalisis hidup selibat. Tidak kurang ura-ura yang membincangkan bahkan mahu menamatkan hidup selibat.

Apakah yang dapat dikatakan oleh sejarah tentang selibat? Teks-teks awal, seperti *De singularitate clericorum* / 'On the life of priests' menggambarkan selibat klerikal bukan sekadar disiplin yang dikenakan secara luaran.

Cara hidup ini difahami dan dialami sebagai anugerah daripada Tuhan yang diterima dalam diri, bermakna dari kesedaran peribadi paderi.

Menjalani kehidupan paderi, seseorang akan menyedari bahawa selibat adalah anugerah yang diberikan oleh Tuhan kepada hati seorang paderi, bukan sekadar kewajipan kanonik, yang dikenakan secara luaran.

Bagi seseorang yang berfikir untuk menjadi paderi, ini adalah pengorbanan yang diperlukan untuk ditahbiskan. Walau bagaimanapun, semakin banyak rujukan sebenarnya menunjukkan bahawa panggilan untuk membujang adalah hadiah yang positif seperti yang dijelaskan dalam *Theology of the Body* karya Sto Yohanes Paulus II.

Seperti yang Yesus katakan, perkahwinan tidak wujud di Syurga, seperti yang Yesus sendiri katakan (Matius 22:30). Oleh itu, selibat di bumi boleh bermakna mula mengalami apa yang akan dialami di syurga: cinta terbesar yang boleh dibayangkan.

Ini sangat berkaitan dengan keimamatan: sama seperti Yesus menjalani kehidupan bujang untuk mengasihi setiap orang secara mendalam sebagai anak rohaninya, demikian juga paderi berkongsi kasih kebapaan Kristus untuk setiap orang yang diamanahkan kepadanya.

Meskipun hidup selibat, naluri kebapaan seorang paderi tidak dinafikan namun berubah menjadi jenis bapa yang berbeza. Maka adalah wajar kita memanggil seorang paderi sebagai "Father".

Sto Yosef merupakan salah satu orang kudus yang membentuk kebajikan bapa rohani kepada Yesus.

Tidak ada kebahagiaan yang lebih besar sebagai seorang paderi, selain melihat orang-orang bertumbuh dalam rahmat, dan membantu mereka bertumbuh dengan mempersembahkan Sabda Tuhan dan Sakramen-sakramen.

Karunia selibat tidak terjadi begitu sahaja. Ia bermula dengan panggilan dan seseorang pemuda itu perlu menyahut atau menerimanya.

Untuk menyambut karunia menjadi bapa rohani ini, paderi pertama-tama harus menjadi seorang putera dan saudara rohani: seorang putera Tuhan melalui doanya, seorang putera uskup melalui keataatannya; menjadi saudara terhadap rakan-rakan paderi.

Namun tanpa doa; tanpa kesetiaan kepada uskupnya dan tanpa persahabatan paderi, selibat hanya akan menjadi sebuah beban dan bukannya sebuah kebahagiaan yang memilukan.

Sebab itulah para paderi akan memperbaharui rasa syukur atas anugerah selibat imamat mereka pada Misa Krisma, menerima selibat imamat sebagai hak istimewa untuk ikut serta dalam kasih kebapaan Yesus kepada anak-anak-Nya! **Pen@Katolik**

MARI dan jadilah komuniti pemberita HERALD. Kami amat mengalu-alukan sumbangan artikel, pendapat dan perkongsian anda.

Kami mengalu-alukan artikel dalam 400-500 patah perkataan, gambar high-resolution (300 DPI) dalam format JPG atau PNG serta berkapsyen.

Anda boleh menghantar artikel kepada liza@herald.com.my atau WhatsApp: 011-26391498



BSM lancar dua Alkitab BM baharu

KUCHING: Komuniti Kristian Sarawak menyaksikan peristiwa bersejarah pada Januari 19 lalu dengan pelancaran dua Alkitab Bahasa Malaysia baharu — 'Alkitab Kudus Malaysia' dan 'Alkitab Berita Baik Edisi Studi'.

Dianjurkan oleh Persatuan Bible Malaysia (BSM) dengan kerjasama Persatuan Gereja-gereja di Sarawak (ACS), acara itu meraikan pelancaran dua Alkitab Bahasa Malaysia baharu yang bertujuan untuk memperkasa dan memperkayakan kehidupan rohani penganut Kristian di seluruh negara.

Para pemimpin Kristian yang menghadiri majlis itu, termasuk presiden BSM, Bishop Datuk Ng Moon Hing, pengerusi ACS Rt Rev Datuk Danald Jute, setiausaha agung ACS, Elder Ambrose Linang dan setiausaha agung BSM, Rev Mathew K Punnoose. Danald menekankan kepentingan terjemahan Bahasa Malaysia demi mengingatkan semua orang bahawa Tuhan memahami semua bahasa.

"Jadi, Bahasa Malaysia bukan sahaja bahasa kebangsaan kita tetapi bahasa suci yang melaluinya Tuhan



bercakap kepada kita."

Majlis itu diisi dengan doa, pujian dan penyembahan, dengan wakil dari pelbagai denominasi hadir, termasuk Uskup Agung Roman Katolik Kuching Dato Dr Simon Poh dan presiden Misi Evangelikal Borneo, Reverend Bina Agong.

"Umat Kristian boleh menggunakan Alkitab ini sebagai

alat untuk mendekati diri kepada Tuhan dan berkongsi mesej-Nya," kata Rev Danald dalam ucapannya pada majlis yang diadakan di Gereja Trinity Methodist, Kuching.

Sementara itu, Ng menyatakan cabaran dalam penterjemahan Alkitab yang mengambil masa bertahun-tahun dedikasi untuk memastikan Firman Tuhan disampaikan

dengan tepat.

Oleh sebab itu, Ambrose mengucapkan terima kasih kepada para penterjemah, pemimpin Gereja dan BSM atas usaha mereka dalam merealisasikan pelancaran itu. Pelancaran kedua-dua Alkitab yang turut diumumkan sebelum ini di Kuala Lumpur dan Sabah, turut menandakan pembukaan Bible

Study Iban (Edisi Percubaan), dengan versi muktamad yang dijadualkan untuk dilancarkan secara rasmi tahun depan.

Alkitab Kudus Malaysia adalah hasil daripada usaha terjemahan baharu yang dimulakan oleh BSM pada 2011, bertujuan untuk memenuhi permintaan yang semakin meningkat dari Gereja-gereja berbahasa Malaysia.

Manakala Alkitab Berita Baik Edisi Studi telah hampir dua dekad dalam pembikinan, bermula pada tahun 2005 sebagai memenuhi keperluan mendesak pembelajaran Alkitab dalam Bahasa Malaysia.

Alkitab versi studi itu diperkaya dengan ulasan, rujukan silang dan nota penerangan untuk membantu pembaca memperoleh pemahaman yang lebih mendalam tentang kitab suci.

Majlis itu diisi dengan doa, pujian dan penyembahan, dengan wakil dari pelbagai denominasi hadir, termasuk Uskup Agung Roman Katolik Kuching, Dato Dr Simon Poh dan presiden Misi Evangelikal Borneo, Reverend Bina Agong.

Sumber: Pelbagai media tempatan

ABMA tumpu program Tahun Jubli

KUALA LUMPUR: Archdiocesan Bahasa Malaysia Apostolate (ABMA) teruja menyambut Tahun Jubli 2025.

Oleh sebab itu, pada Januari 11-12 lalu, mereka telah mengadakan retret di Villa Dominic, Genting Highlands.

Retret yang turut dihadiri oleh Paderi Pembimbing ABMA, Fr Terrance Thomas, diadakan untuk merenung dan memperincikan program sempena Tahun Jubli 2025. Turut hadir ialah para religius dari Kongregasi *Franciscan Sisters of the Immaculate Conception* (FSIC).

Dalam retret itu, para ahli ABMA menetapkan matlamat yang boleh dilaksanakan dalam program ABMA untuk tahun 2025 sekaligus meneliti bagaimana ABMA dapat menghayati tema Tahun Jubli "Penziarah Harapan."

Dalam semangat doa, ahli-

ahli meneroka bagaimana dapat membawa harapan dalam Yesus kepada Komuniti Umat Berbahasa Malaysia (KUBM) di Keuskupan Agung Kuala Lumpur melalui program yang telah dirancang. Para ahli diajak melihat semula untuk memperbaharui semangat misi dalam menjangkau komuniti KUBM di pelbagai paroki.

Pasukan ABMA juga mengkaji semula pencapaian dan cabaran yang dilalui pada tahun 2024, sebelum merangka pengisian program bagi tahun 2025.

Program utama yang dirancang untuk 2025 merangkumi program pembentukan seperti seminar, bengkel dan retret yang membantu memperdalam iman dan program jangkauan komuniti ke paroki-paroki yang mempunyai KUBM demi memperkukuh hubungan dan solidariti. **Elena Woo**



Pelancaran Tahun Jubli 2025 di Holy Rosary Limbahau

LIMBAHAU, Papar, Sabah: Selepas menjadi paroki ekologi pertama pada bulan Mei, 2024, paroki Holy Rosary diisytiharkan sebagai salah satu paroki ziarah sepanjang Tahun Jubli 2025.

Pada Januari 18 lalu, lebih seribu umat dari paroki dan luar paroki, menghadiri Pelancaran Tahun Jubli 2025 peringkat paroki.

Upacara pelancaran dimulakan dengan pemberkatan Salib Jubli dan Monumen oleh Msgr Nicholas Stephen, di padang SK St Mary, Limbahau.

Monumen dan Salib Jubli itu merupakan simbol harapan dan perjalanan rohani kolektif umat paroki HRL.

Kemudian, para penziarah berjalan kaki menuju ke Gereja HRL, didahului para paderi, sambil menyanyikan pujian, berdoa dan merenung ayat-

ayat dari Kitab Suci yang menonjolkan penciptaan Bumi, mengajak mereka merenung keindahan ciptaan Tuhan dan peranan mereka dalam memeliharanya.

Perarakan berakhir di Dewan Fr Augustine Amandus, di mana upacara Pentakhtaan Alkitab diadakan, diikuti sesi pujian dan penyembahan yang diketuai oleh beliau HRL.

Acara itu turut menampilkan tayangan video mengenai sejarah Keuskupan Agung Kota Kinabalu dan HRL.

Video tersebut memberi penghormatan kepada para misionari *Mill Hill*, perintis pertama yang menyebarkan Khabar Gembira di rantau ini 150 tahun yang lalu.

Video kedua memfokuskan pada tema penciptaan, menonjolkan kerosakan alam sekitar yang disebabkan oleh ketamakan

manusia dan mengingatkan umat beriman akan tanggungjawab mereka untuk melindungi dan menjaga bumi.

Kemuncak acara ialah Misa Kudus yang dipimpin oleh Msgr Nicholas. Beliau dibantu oleh Fr Lasius Gantis dan Fr Aloysius Fidelis.

Dalam homilinya, Msgr menekankan kepentingan berharap kepada Tuhan dan menggalakkan umat beriman untuk mempercayai rancangan Tuhan, walaupun pada masa yang tidak menentu.

Msgr Nicholas merakamkan ucapan terima kasih kepada jawatankuasa penganjur, yang diketuai oleh Pengerusi Majlis Pastoral Paroki, Sdra Sylvester Joseph, atas dedikasi dan kerja keras mereka dalam memastikan kelancaran pelaksanaan acara tersebut. **Filex Sumpunggol**

